

密縣志卷七

賜同進士出身候選知縣前國子監學正武進謝增

賜同進士出身密縣知縣苑丙子科河南鄉試同考官吳侯陞長官景綸

建置志

城池

方輿紀要密縣城周七里

密縣城西漢時建兩晉因之至魏屬廣武郡治曲梁北齊改曲陽隋始築今密明洪武三年知縣馮萬金增築圍七里高二丈五尺廣二丈池濶一丈深七尺門四嘉靖四十二年知縣張金重修皆積土為堞遇雨即傾萬曆三十七年知縣王崇雅始易以磚四十二年主簿張久敬署縣事

密縣志卷七 建置志 城池

創建北門甕城崇禎八年正月流寇薄城知縣苗之廷率眾禦之堞墻不及肩守者皆露半身因增修三尺十二年知縣曹化中補修東西磚城二匝添設墩堡敵臺並東西南三甕城復濬池深廣各一丈五尺十四年春流賊攻城三日而破百姓死者十之八九土寇繼起焚戮疊遭城垣夷於荒坵廬舍悉為焦土

國朝順治二年知縣崔養重重修城門建設堞口并蔽內外六年知縣李芝蘭重建門樓角樓並補葺四城墻垣濬治壕塹十二年積雨月餘傾圮過半知縣李鵬鳴重加修築康熙二十四年知縣袁長怡續修街巷

城內四街東曰仁青西曰義正南曰禮節縣治後東西街曰樂和

橋梁

通濟橋

在縣治東萬曆三十九年知縣劉有源創建石橋三空平坦如地行人便之

明尙書靳於中通濟橋記

橋在縣治之左眾水之匯也每

而往來阻矣今年夏又丁其厄我海岱劉侯蒞政之初即欲興修以水源未涸且恐妨農故俟之天根既見之時捐俸募石鳩工經始屬二尹建陽陳君董其役君曰營度謀畫吾職也朝夕勤劬吾分也然而狐狸捐職以餽成又吾懼也於是殫心綜理一磚一石皆目覩而置之不為一時謀而為經久計閱月告成閭邑僉頌曰君之勞君之澤也君則曰侯勞心而吾勞力侯施恩而吾布澤侯之勞且澤者大矣敢貪為己力耶遂勒珉以紀之然侯之有造於

密縣志卷七

建置志

街巷 橋梁

二

密寧止此乎勸農桑繕城堞公編審撫字而寓催科聽斷而凜哀矜其勞且澤固有十此者是舉也特其一端耳因並及之

惠政橋

在縣西關外原名廣濟橋邑人魏尙謙建水衝無存順治七年知縣李芝蘭捐俸重修改名惠政橋

韓繼文惠政橋記

密城西郭外有深澗澗水盈涸不常非

東來遇水界止則城郭不得受氣焉過峽引龍尤惟橋梁是賴舊有橋石甃相半不甚堅完崇禎壬申大雨圯于水經亂未能復迄今咸以為憾我李賢侯之蒞密也將及四載政兼三異未嘗恃鉤角而奸得未嘗勤敲朴而訟理未嘗工催科而賦足未嘗窮荏苒而盜息未嘗厯綜核務姑息而民畏且愛即其簿書之暇修舉廢墜凡境內舊蹟次第興復率以百世為量費且不貲而民未知病此必有不合而行之術焉客冬乘農隙議修茲橋宵旰籌畫不煩士民捐金五百餘兩糧二百石庀材鳩工選石棄甃期垂永久時出相視以均勞逸民不怨讟而趨若子來工無滯留

而成以不日跨海鯨鯢垂天蟠竦投杖澗壑之上卧影波流之中可謂惠而知政矣興作之始西郭水涸忽湧甘泉以資工汲濫楮不脩苦難猝辦虔禱山靈遂掘得石橋念餘章恰符規制靈異若此謂非濟人之誠所感與橋既成侯之功於是

不朽矣謹記

### 浮山雙橋

在縣東雲濛山陽俗名寡婦橋兩橋相去三十餘步年久圯毀康熙二十八年知縣衷鯤化重建視前較大

### 利涉石

在縣東三里馬漢河康熙三十三年知縣袁良怡創建

### 袁良怡利涉石碑記

密東馬漢河邑之要衢也左通汴省右達洛陽其有公私之迫急者遇水潦輒不得過行旅患之前事袁君欲鑿石以為砥柱工未半而山水暴漲盡圯于是往來者復阻余蒞任後念茲事最為急務因相度地勢於上流五里店之西建焉伐石煨灰不月餘而功竣名之曰利涉石蓋取諸易之義也在易之

密縣志卷七 建置志 街巷

三

需曰利涉大川需須也飲食之道也食必資於五穀凡吾民之糴糶往來者則利涉之次曰蠱蠱壞也凡有子之能裕其家能幹其父之蠱者孝子也則利涉之次曰頤頤養也觀頤自求口實是吾民之口實觀上以為養也則利涉之次曰渙渙其羣而不黨聚為奸以害吾政者則利涉之而未濟求濟無忤於人不逆於天者則亦利涉之非是族也不得以利涉言以故獨於訟則有不利涉川之戒然訟之大象曰窒惕中吉言不終訟也不終訟而吉即涉亦何常不利哉然則利涉之時義大矣涉者勉之

### 盧家橋

在盧家灣年久傾圯康熙二十八年知縣衷鯤化重建

### 會濟橋

在礪疆坡

### 石雞橋

在盧村

羅家橋

在大隗鎮西五里許盧村西邢二保界

洪山廟石橋

創建無考寇國順重修

勸善橋

在盧村保騰蛟臺下明嘉靖二十六年里人創建

惠行橋

在盧村東雍正七年創建嘉慶七年里人呂氏重修

永濟橋

在盧村保麻坡乾隆八年楚選倡建

老土橋

密縣志卷七

建置志  
橋梁

四

在司溝西南里許康熙二十年司振藩創建嘉慶十八年  
司自修重築易爲磚石

雙橋

在岳村中岳廟前始建無考有順治十四年重修碑

青石橋

在紙坊村東南下爲煖泉河以石條爲之乾隆五十八年  
修德宮道士劉依賢創建

通脊橋

在大隗鎮東其路常爲雨水所衝往來艱苦以石砌作水  
口使水旁流口用一石板蓋之故曰通脊明宏治八年創  
建乾隆四十六年重修

萬里橋

在旺子岡下有巨壑嘉慶八年舉人韓塤募建

韓塤萬里橋碑記

夫濟水涉川端資舟楫憑虛踰險惟賴橋梁雖地有巖僻而空谷寂歷之區磳

確約約皆橋之類如魯論吾夫子所嘆為山梁者其即此也歟余嘗學稼於茲向無橋梁而地道流謙日集於谷自東徂西行人窘焉余敬約同志得貲若干鳩工庀材而橋于是乎經始既成思所以名之者昔費禕之使蜀也武侯送之國門外橋上曰萬里之行自此始矣後因名曰萬里橋茲橋非九達之衢而窮僻之鄉可達帝京則於此而發軔而振策吾烏測其所稅駕哉雖萬里焉可也因亦名之曰萬里橋

雪山橋

在開陽山下有巨壑嘉慶四年監生趙執蒲募建

紅石橋

在廟朱南積石為之高二丈寬丈餘

密縣志卷七 建置志

板石橋

在岳村東溱水河岳氏父子為之春冬架木板夏秋堆亂石以便人行

惠濟橋

在界牌村南寬二丈五尺高五丈長七尺乾隆十九年樊學會創建

海西石橋

在超化河西村觀音閣外兩空全用石扣口寬六尺餘乾隆三十年錢國安募建

普濟橋

一在雙樓東乾隆四十七年張祥兄弟創建

一在小南溝南北長六丈餘東西寬一丈二尺橋下溝深  
三丈餘康熙五十九年周日瑤募建乾隆十八年周潤補  
葺

市集

在城縣街集前半月西街  
後半月東街 五虎廟集雙日每逢朔  
望加一集

王崗集雙日 大魏鎮集雙日 白寨集雙日

曲梁集單日 觀音堂集雙日 岳村集單日

袁家集單日 響潭河集單日 雙樓集雙日

關口集單日 藥王廟集每日 樊寨集每日

韋溝集單日 洪山廟集雙日 劉寨集單日

超化集每日 玉皇廟集單日 平陌集單日

密縣志卷七建置志  
集市坊表

月臺集單日 牛兒店集雙日 米村集單日

苟家堂集雙日

坊表

世科坊

在城東街嘉靖間為黃 禮黃 麟黃 縉建

進士坊

在城東街嘉靖間為黃 麟黃 縉建

登科坊

在城西街萬曆間為郭 遠建

綸音重裝坊

在城西萬曆間為贈奉直大夫郭朝陽建

九重勸義坊

在城西街萬曆間為魏尙謙建

襄禮三朝坊

在城西街天啟間為魏持衡建

孝子坊

在城東街乾隆間為歲貢生陳邦寵建

彰善坊

在城東門外乾隆間奉 憲為孝義魏國禎等三十七人建

名登天府坊

在雙樓東乾隆間為舉人張星爛建

密縣志卷七 建置志坊表

七

節孝坊

洪武間為王 佐妻孫氏建

節孝坊

洪武間為李 晟妻馬氏建

節孝坊

洪武間為朱 讓妻陳氏建

貞節坊

在城東街嘉靖間為楊 春妻朱氏建

貞烈坊

在城東街萬曆間為馮 貴妻錢氏建

貞節坊

萬曆間爲儒童李 橋妻屈氏建

節孝坊

萬曆間爲閩有倫妻許氏建

節孝坊

在西街萬曆間爲周府典膳宋尙倫妻屈氏建

節孝坊

萬曆間爲生員宋 備妻黃氏建

節孝坊

崇禎間爲韓加臣妻孫氏建

貞節坊

在城東街崇禎間爲生員程士龍妻李氏建

密縣志卷七 坊表

節孝坊

在城東街雍正間爲周 南妻侯氏建

崇獎幽貞坊

在超化集街雍正間爲張 煦妻李氏建

雙節坊

在城東街乾隆間爲李裕昆妻王氏暨男慶龍妻張氏建

節孝坊

在西街乾隆間爲項文瑞妻郭氏建

節孝坊

乾隆間爲蔡體元妻陳氏建

節孝坊



乾隆間爲屈來同妻字氏建

節孝坊

乾隆間爲趙 治妻張氏建

節孝坊

在城東門外嘉慶間爲楊延寬妻閻氏建

節孝坊

在寇莊東爲寇 林妻蘇氏建

節孝坊

在新寨北街爲生員張 珂妻蘇氏建

節孝坊

在梁洞北崗爲張瑞光妻侯氏建

密縣志卷七 建置志 坊表

九

雙節坊

在馬關水南爲張五美祖母李氏母蘇氏建

節孝坊

在袁家集爲儒童趙君聘妻劉氏建 按趙君聘係新鄭人 已見新鄭志

衙署

縣治

在城之中砌于隋燬于元明洪武三年知縣馮萬金因廢址重建成化中知縣葉預正德時知縣高節相繼增修其制始備崇禎六年知縣苗之廷因雨傾圮重加修葺十四年遭兵燹舊址蕩然

國朝順治三年知縣崔養重移於按察分司草創經營粗植

其槩五年知縣李芝蘭重加修葺規模畧備後因積雨又  
圯康熙二十二年知縣衷鯤化重移於舊治建牧愛堂五  
楹東爲贊政廳西爲架閣庫各三楹東西兩翼爲六曹房  
計十八楹南爲戒石坊坊前爲儀門外爲壯快皂捕班房  
東西各四楹儀門東爲寅賓館今廢又前爲大門門之東西  
爲旌善申明二亭今廢又前爲照壁南爲鐘鼓樓牧愛堂後  
爲三鑑堂五楹東西房各三楹又後三堂五楹東西房各  
三楹書房東南三楹西五楹後樓五楹東西廂樓各三楹  
又樓旁退思堂三楹堂前內書房六楹

衷鯤化縣治碑記命承

天子命宰一邑將以和神人齊上下除彫瘵之弊開樂利之  
源其臨民聽治之地必規模方正堂階高朗以尊朝廷

密縣志卷七 建置志 衙署

十

而肅體統密舊治燬於兵瓦礫蕩然迨我

聖清定鼎草昧初開履任者以西分司代之相循四十餘年  
偏隘殊甚且介在廟寺間陽陷乎陰往往多不利則舊治  
當復不待智者而決也然或以爲傳舍或以爲不動公祭  
則損已而賈怨余心竊非之念前人不爲而待之今今復  
不爲而待之後是終無可爲之日也夫無藉而創者難爲  
力有藉而興者易爲功今見在官舍諸材尙多可用遂毅  
然詳請各憲卜吉于舊址興作焉區畫丈計董役分工木  
料之撓朽者易之磚石之破缺者補之巨紳士復樂義急  
公量輸物料計用舊材十之七增新材十之三雖層簷鱗  
次不下百五十楹不兩月而落成爰命役撲除洒掃潔牲  
牢祀司土禮畢肅肅吾冠帶登堂視事既退不禁慨然太息  
曰嗟乎是煥然一新者卽向者瓦礫之場也萍踪宦跡孰  
爲樂此以淹歲月然乘時則速借便則省正可爲異日惜  
經費紓民力而還其舊觀卽所以尊朝廷而  
肅體統也則斯役也詎容視爲緩圖哉是爲記

教諭宅

在 文廟東北隅

訓導宅

在縣署西舊社學地

典史宅

在贊政廳東大門一楹正廳三楹東西房各二楹退廳三楹內書房二楹內房三楹東西房各二楹今圮

陰陽宅

久廢

醫學

久廢

僧會司

如山

今寓

關帝廟

道會司

魏明孝

密縣志卷七

建置志  
衙署

今寓

城隍廟

公廨

布政分司

在縣治東今為普濟堂

按察分司

在縣治西南今廢

大公館

在東街大門一間門房四間廳房三間正房三間廂房三間樓房三間廂樓六間

監獄

在縣署儀門內西首圍墻一道獄神廟三間南北廂房各

三間禁卒房三間

倉廩

常平倉

舊為預備倉在縣治西經亂燬知縣李芝蘭重建知縣錢以禎袁良怡先後修葺大門一間廩神廟三楹廩房二十間

社倉

雍正間始設無考乾隆四十九年于城西街觀音堂大隗鎮牛兒店建社倉四座今分貯二十保社長之家

兵防

協防宅

密縣志卷七 建置志 衙署

十二

在縣西街乾隆二十九年創建知縣馬渭有碑記按雍正七年以前襄城營千總駐扎禹州兼防密縣後以禹密相去百餘里鞭長莫及乃設協防外委把總一員守兵十名

塘汛

在城西南平陌村乾隆六年建設官廳一間營房六間墩臺一座守兵四名今圮

演武場

一在縣西門外地八畝一在城內二官廟西地一畝

郵遞

馬廐

在縣署儀門西首大門一間馬神廟三間左右房各二間  
廡房五間額設塘馬三匹馬夫二名走遞夫一名

急遞舖

額設舖司五座有在城舖寡婦橋舖觀音堂舖曲梁集舖  
高家漕舖共舖夫十四名在城無總舖以馬夫二名代之

書院

興學書院

在縣東門外知縣夏應元創建有碑記今廢

檜陽書院

在縣治西知縣衷鯤化創建後廢

衷鯤化檜陽書院碑記

嘗誦大雅崧高之篇而嘆山岳之  
鍾靈遠也漢魏以來穎川郡名賢

密縣志卷七 建置志

接踵始難更僕數至宋程氏二子出倡明理學孔子之道  
賴以不墜又其著焉者也近代如新鄭高文襄禹州馬端  
肅洛水呂忠節後先相望而月川西川雲浦諸賢尤能導  
源河洛類皆挺生崧嶽之墟其豐功偉烈碩德宿學足以  
彪炳一時聲施後世密近接崧東且居大隗溱洧之間相  
傳為黃帝訪道處亦神皇奧區也豈遂闕然無人起而追  
踪前修為密之山水生色耶而密之名乃特以令此者之  
卓太傅著夫太傅抽簪新室封爵建武上接西漢經術之  
終下開東漢名節之始雖治密事蹟別無可考而其律設  
大法禮順人情二語則立身行己之道實為密之人士教  
之矣余蒞任五載觀密之人士多天姿聰穎能讀書之才  
則蘊蓄於前安知不發越於後况崧麓靈秘所結磅礴蔚  
積意必有特立奇偉非常之人出而振川嶽之光者此亦  
有司所亟當風勵造就之也余夙有志乎此因於西街置  
地創建檜陽書院講堂齋房廊廡庖湍俱備為學子肄業  
之地又置田歲收租入以充延師膏火之資揭朱文公白  
鹿洞學規于堂壁附以象山義利之說俾諸生朝夕服習  
焉庶幾得窺天人性命之旨致修詞立誠之功以脩朝  
廷舉賢任能之用將見文章事業可以接先賢美川岳鍾  
靈信為不爽于以上慰太傅於馨香蘋藻之餘是則余之  
志也

瑞春書院

在縣治東北隅卓君廟左乾隆四十年知縣邱景雲創建有碑記講堂三楹左右耳房各一間東西齋房各五間南齋房連二門共五間大門一間左右門房各一間今仍改爲檜陽書院云

普濟堂

舊爲布政分司署雍正十一年知縣蔣彥改建計房十四間門樓一間現有田三頃六十二畝零內醫官高加璧捐田五十畝額設貧民口糧十八分每名口日支銀一分冬月捐給綿衣一件又捐給貧民口糧二十六分內分十三名每名口日給銀一分又十三名每名口日給銀五釐冬

密縣志卷七 建置志 書院

十四

月各給綿衣一件

按明史志太祖初設養濟院收無告者月給糧後復有普濟體仁廣仁等堂所收愈廣誠仁政也

壇廟

社稷壇

在縣西門外

陳氏禮書社祭五土之神稷祭五穀之神鄭康成謂勾龍有水土功故配社后稷有播種功故配稷古者建國則立壇壝以祀之

按唐武德九年初令州縣祀社稷民間里閭亦相從立社各申祈報用洽鄉黨之歡洪武十一年始定壇壝合祭

先師孔子廟

在縣治東始建無考元至正二年主簿馬元良重修元末兵燬明洪武二年知縣馮萬金因舊址草創成化間知縣温厚增修如制宏治間知縣葉預修建東西二齋正德間知縣李朝陽易櫺星門之木者以石明末後燬鞠為茂草僅存櫺星門

按闕里文獻考 國朝俞兆曾聖廟通記凡有壇壝而無宮室則立櫺星門以為閔義取乎疏通也聖廟亦設是者所以尊夫子同天地也

國朝順治三年知縣崔養重始建

大成殿六年知縣李芝蘭增補規制畧脩康熙二十年知縣

密縣志卷七 建置志 壇廟

五

張博四十九年知縣于兆麟增修雍正八年知縣許履坦嘉慶三年知縣楊泰起重修

明劉定之廟學碑記

密為開封鉅州屬邑其地被山林帶原隰無大河巨川便商賈未利之趨

而良疇沃壤可務農足食故其士重厚忠信宜其務學也易特在乎善導之耳當今聖明御宇薄海內外教化大行庠序輪奐絃歌洋溢在處皆然而况密之士習甚善可無作而興乎予以使事過密鳳翔岳君宗令茲土鳩工修學新其舊完其缺材木必良甍瓦必堅禮殿兩廡及列戟之門供祀之處所以崇聖賢者先之明倫堂兩齋至會饌之所肄業藏修之舍所以安師生者次之他如浚泮池闢射圃繚周垣莫不以次成焉是時主簿潛山鮑鼎等咸與君合志一意教諭余君子同郡也為予道其實請為之紀夫所貴於學者為其能養士而使之明孔曾思孟之學易詩書春秋之經子史之說也其明乎是者無非修己治人使君臣父子夫婦兄弟朋友之道行則家齊國治天下平而代天理物者有所賴然則修學之功豈不大哉密之長民者知從事於此密之士繼今以往吾知發聞者日衆而國家亦可收用賢之效韓繼文學宮碑記 學者取法聖人其於願禮適用展疇

采於當官留功名於汗簡以無負我大聖人宮墻之望而後此心始為愉快故凡宦跡所履莫不茲芳祀事聊整尊崇於萬一頃緣乾坤鼎沸廟貌傾頽獻無所而精誠莫達蒿目扼腕亦蒞政服官者之所同也密學燬於兵數年於茲矣前任崔侯建正殿五楹僅屬草創向穿風日其戟門兩廡啟聖祠明倫堂俱蕩焉無存宮墻淪落過者與嗟今李賢侯以遼左世胄來守茲土謁廟之初不勝於邑卽慨然捐俸為通邑倡龜皇經畫量日鳩庀首大成殿及櫺星門丹堊重施輪奐增羨使人知聖域之崇嚴愈切仰止之思也次建崇聖祠三楹使人知淵源自出雖聖人亦有親也而孝思不可以不隆次建兩廡十四楹列祀名賢使人知作聖有階盡人可至雖後儒亦能耐也而景仰不可以不切次建戟門三楹明倫堂五楹宮墻外望邃密閎深使人知五教敷於斯五典惇於斯而聖功王化庶可次第而興舉也侯之嘉惠於密寧有涯哉是役也經始於戊子十月落成於己丑六月不勞民財不煩民力而成此莫大之功為密士造無窮之福文不敏辱在宇下睹茲燼蹟不能已於言謹識其畧如是他如侯之盛美別有紀載固更僕莫能數也姑俟異日載歌棠芾焉可矣

### 崇聖祠

密縣志卷七 禮志

七

在大成殿後

### 忠義祠

在崇聖祠西偏

### 名宦祠

在戟門左

### 鄉賢祠

在戟門右以上俱嘉慶三年知縣楊泰起移建

### 節孝祠

在城隍廟西始建莫考

### 明倫堂

在學署東舊為崇聖廟嘉慶三年知縣楊泰起移建



敬一亭

在 崇聖祠後知縣王珏重建

王珏敬一亭碑記

明世宗詔天下學宮建敬一亭於明倫

箴以垂訓豈曰亭也而亭之云爾哉誠以學宮者人才之所自出敬一者聖學之所以入也自密城淪胥學宮蕩為瓦礫

聖朝御宇休養生息二十年來次第修舉舊始有學然殿廡外僅有明倫堂無復議及此者余每惕然傷之非傷亭之圯也傷敬一之義不明寄學宮於空名沒人心於功利也夫人而既讀聖人之書則必為聖人之徒既為聖人之徒則必學聖人之學何為視聽言動失其則君臣父子夫婦昆弟朋友之倫墮其行也是學聖人之學而不知心聖人之心也夫聖人之心敬一而已心之發視聽言動而已敬則能慎其獨一則能止於善不敬則不一不一則不敬也此教化之所歸敬勝惟一之傳與日星雲漢昭著於天而不可磨滅者也使由此而一人之行修移之於一家一家之行修推之於鄉國天下有不人才出而風俗成者哉余小子承流宣化責有攸歸亭之重建意蓋有在嗚呼密之人士游茲亭者讀范子之箴當思心之所以正讀程子之

密縣志卷七 建置志 壇廟

七

箴當思視聽言動之合禮載觀明世宗之箴凜凜乎 朝廷之法不敢輕犯庶幾心得其心者亦學得其學矣密人土尙勉之哉

經義齋

在敬一亭東

治事齋

在敬一亭西皆知縣劉蓋建

尊經閣

在敬一亭後知縣衷鯤化重建

衷鯤化尊經閣記

夫經不以閣而後尊也學宮必尊之以閣入學宮者未有不望而知為尊經閣

也然相與習其名而忘其義烏乎可蓋天之生長雖同此秉彜而成已成物與夫大法大倫之所在非聖人筆之於經則學者亦無由以討論其大綱細目以為從學之途故名其閣曰尊經尊聖學也按密舊志有閣三處遺迹冠焚

燬四十年來凡有事於學宮者僅修補殿廡以祇承春秋之祀未有議及尊經閣者癸亥夏余來茲土齋心謁廟棟然念之以爲經不尊將何以爲學也越戊辰二月始克相敬一亭後基庀材鳩工刻期集力自矢獨任其費而邑之鄉先生及博士弟子聞之咸來相厥事焉而閣遂告成於是魏煥肅宮牆之觀宏廓洞弦誦之響登閣祭酒式樂式康乃進博士先生而揖之曰此聖人篋庫之寄也司教事者敬之哉又進諸弟子而揖之曰此聖人提命之訓也列翼序者勉之哉雖然更有說焉夫宰縣者主法法莫備於律職教者主學學莫備於經然而畔乎經卽入于律危微之介人心道心之幾不可不慎也故律所以止惡而經所以導善人自復其善自易其惡則經常先而律常後矣五倫經之律也百行經之例也嚴吾之律精律之例匪徒好之實允蹈之善乎王新建之說尊經也曰求之吾心之陰陽消長而時行焉所以尊易也求之吾心之紀綱政事而時施焉所以尊書也求之吾心之歌咏性情而時發焉所以尊詩也求之吾心之條理節文而時著焉所以尊禮也求之吾心之欣喜和平而時生焉所以尊樂也求之吾心之誠僞邪正而時辨焉所以尊春秋也夫如是則六經律之一心一心律乎萬善進之爲尊主庇民之業退之爲守先待後之功是閣不虛建而經不虛尊也嗟乎吾日見夫入學宮者之有人也而切切焉爲密人士望之吾寧謂密

德縣志卷七 建置志 壇廟

式

泮池  
人士遂以予言爲不謬也而實切切焉爲學宮期之故不揣固陋而記之如此閣五楹高二丈許自二月始工迄六月落成凡百二十日始終董其工者爲廩生傅勳云

### 舊在街南知縣衷鯤化移建樞星門內

國朝耿奎光門坊泮池碑記 易曰觀乎人文以化成天下剛尊禮先師裁成後學不朽之

事業於是乎在密學經兵燬有年聖域蕪蕪科目曠絕邑人士惋惜久矣今李侯臨蒞以來修舉廢墜善政累累莫可殫述而於學宮首加意焉捐棗營建自樞星門以內胡倫堂迤前靡不鳩庀而落成焉輪奐丹堊蠶革鳥飛靈芝呈瑞奎閣煥光識者已卜密地人文駸駸然有改色矣而侯謂徵諸神不若徵諸人爲之多方教育勤省課以考其業時勸勉以勵其成會有鄉闈之役猶汲汲焉捐金募工改甃泮池樹萬代瞻仰建騰蛟起鳳坊冀人文之競奮公始爲密人士萬代之瞻仰乎事竣勒珉以垂不朽將與召之棠峴之碑並美齊芳矣余雖不斐敢不述之以示後

困錦

明知縣史信創建今廢莫考其處

射圃

舊在學宮北明知縣史信改學南

奎樓

在南城上明知縣張光緒初建後燬於兵順治七年知縣李芝蘭重建

按說嵩神象狴狴右手持筆翹右膝架斗蓋象魁字形也天文志北斗七星一至四爲魁魁前文昌乃司祿籍無與于文事壁九度下九尺爲天之中道主文章天下之秘府故壁爲文明之曜庠序聚業之宮名爲泮壁也奎司天下武庫亦無與于文事而北垣於壁故古人祀奎必於泮壁

密縣志卷七

建置志

壇廟

十九

之前則天文而取象也今在學宮南城上于義爲當

又按詩定之方中疏壁居南在室之東故因名東壁也

文昌廟

在東街嘉慶二十二年知縣景綸重建

按華陽國志梓潼縣善板祠一名張惡子民歲上雷村十枚後秦錄姚萇據秦稱帝于梓潼嶺立張相公廟祀惡子明史禮志云神姓張名亞子居蜀七曲山仕晉戰沒人爲立廟唐宋屢封至英顯王道家以帝命掌文昌府事及人間祿籍故元加號爲帝君於是附會不經之說遂布滿天下或以爲周之張仲或以爲張六星或以爲天翁張堅或以爲陷河神張惡子化書悉刺取之其妄已甚

國朝朱氏錫鬯求其說而不得謂文昌卽祀蜀文翁又何誕也考周禮大宗伯祀司中司命鄭司農云司中三能三階也司命文昌宮星鄭康成云司中司命文昌第五第四星蓋人受中稟命于天故有司中司命以其隸文昌宮故以文昌統之然則文昌之祀其卽司中司命歟而化書又以文昌帝君爲魁前之司祿蓋因鐵圍山叢談三餘贅筆調言長語等書所載唐宋士大夫及進士過梓潼嶺得送者皆爲宰相得殿魁遂有司祿之說而不知其無據也又按宋東京考帝君左右乃桂二籍仙官而蠶海錄言梓潼文昌君從者曰天龔地晒蓋帝君不欲人之聰明盡用故假龔晒以寓意耳夫天地豈可以龔晒哉

密縣志卷七 建置志 壇廟

三

### 文昌閣

在城上東南隅乾隆三十八年知縣張廷敬創建

張廷敬文昌閣碑記

密邑在羣山之中栢崖具茨拱其前雲隴雪霽環其後澗瀟灑帶東西深

迴滄蓄其靈秀清淑之氣蜿蜒而鬱積土之生其間者自多忠信瑰奇之材漢唐以來代有偉人而形家之言固不尙也余承乏斯土見其士敦直節民氣淳厚久而益與相安乃擇城之與隅捐俸建閣以奉文昌之神余竊慨夫元明以來立象學宮祀事惟虔而道家者流乃造爲化書陰騭文荒誕鄙俚以褻神而塗斯人之耳目近代一二大儒間爲辨正卒未克修明而表章之爲神一洗其誣考天官書文昌宮六星一曰上將二曰次將三曰貴相四曰司命五曰司中六曰司祿而春秋元命苞以爲貴相理文緒司祿賞功進爵然則文昌自應指星言士之修其業者宜福其所主之宿而余之所以致敬於神而曲體乎諸生之志者蓋爲此也而今而後密之人八士庶幾爭相感發砥礪其誼而明其道於以追蹤古人毋徒以此閣爲異震醜合得形勢之利欲邀福於神以弋取科名已也

### 先農壇

在東門外五里許藉田四畝有神室神倉雍正六年奉文創建

明史禮志周語曰農正陳藉禮韋昭注云祭其神為農祈也漢以藉田之日祀先農晉唐以後沿之不廢洪武元年議以仲春擇日行事

風雲雷雨山川城隍壇

在南門外嘉慶十七年奉文改稱 神祇壇

按風師曰箕星又為飛廉雨師曰畢星又為元冥雲師曰屏翳雷師曰豐隆皆天神也境內山川城隍皆地祇也明史禮志天神壇在左南向地祇壇在右北向陰陽之義也洪武三年以諸神陰陽一氣流行無間乃合壇同祭

寧縣志卷七 建置志 壇廟

三

邑厲壇

在北門外

按明史禮志厲壇祭無祀鬼神春秋傳曰鬼有所歸乃不為厲此其義也祭法王祭太厲諸侯祭公厲大夫祭族厲士喪禮疾病禱於厲鄭注謂漢時民間皆秋祠厲則此祀達於上下矣今京師郡邑厲皆設壇城北以城隍神主之

關帝廟

在西門外順治五年知縣李芝蘭建乾隆四十一年三次重修嘉慶十九年知縣景綸為查復盜賣香火地三頃餘有碑記

李芝蘭關帝廟碑記 當炎漢式微之際羣凶竊據豪傑盜起帝不勝憤忿之心欲信大義於天

下跡其協扶漢室忠義炳于日星歷代褒崇或以王或  
帝豈獨有私于帝誠以帝之功德巍巍其食報固應爾也  
蘭於

大清定鼎五年筮仕密邑竊以治民事神皆為政之急務而  
兵燹虔劉之慘毒流祠宇焚燬無餘蘭於文廟寺觀創建  
修葺次第新之獨帝君廟在甕城內湫隘不稱豈所以崇  
祀典而妥靈爽乎倦倦於懷迄今五載恐瓜期屆而志莫  
遂也乃於壬辰秋卜地於城西門外庀材鳩工建造大殿  
拜殿各三楹左右廡樂樓大門墻垣禪室一一完備費越  
千金匠作夫役量給工價咸歡呼踴躍未百日而工竣是  
皆帝之威靈默相之入廟者仰瞻樓知縣秦勳關帝廟碑  
棟輪奐巍峩幾益思所以崇敬哉吳北敵曹魏定鼎三  
嘗考帝君當漢末造輔昭烈東拒孫吳北敵曹魏定鼎三  
分麥城之敗捐軀盡節忠烈赫然距今數千年而威靈愈  
顯我朝制越往古祠以太牢封其三世名邦大都窮鄉  
僻壤莫不有廟上自王侯公卿下逮樵牧販豎婦人女子  
咸知尊禮此固如日月經天江河行地無容翮縷者也顧  
帝君之德業忠義為萬眾之崇奉與釋道之爭援所稱蓋  
寇伏魔之英爽洵足以震聳人心乃儒者亦莫不尊之為  
聖至與宣尼比並何也昔者孔子作春秋存幾希維王迹  
以繼堯舜禹湯文武周公之統游夏文學雖及門親炙羣  
推高弟莫能贊一辭焉王荆公為有宋一代文人其於春

密縣志卷七 建置志 壇廟

三

秋猶夏蟲之語冰至目為斷爛朝報此其微言大義豈易  
識乎而帝君獨喜讀之此必於筆削深心有默契焉者故  
其時羣雄蜂起獨於式微之中擇昭烈而事顛沛流離死  
生以之蓋猶孔子欲為東周而必周旋於魯衛非深於春  
秋者不知也春秋大一統以尊周帝君亦大一統以扶漢  
而曹者漢之興也武侯謂漢賊不兩立當昭烈敗走於沛  
帝君因下邳以其生平義烈似不難背城一戰以死報之  
顧以為玉石俱焚不終所托不如暫屈以全主母以為後  
圖斯又非聖人之權哉且其歸操也操嘗厚禮之矣意與  
其受恩漸深或可依違以變其節乃一聞昭烈所在封還  
所賜拜書告辭徑歸不顧操亦能聽其去而弗追是其精  
忠至誠薄日月貫金石故鬼域如操且有以視其魄而傾  
其心其百折不回之氣從容於去就之間殆又與宣尼之  
進禮退義仕止久速若出一轍則洵乎帝君之為聖人而  
廟貌編宇宙享祀歷萬世也不亦宜哉

城隍廟

在西街明洪武四年建康熙十一年知縣李居易重修乾  
隆五十七年三次續修大門外琉璃照壁係馬負圖建

明史禮志城隍之祀莫詳其始李陽冰縉雲城隍記謂祀  
與無之惟吳越有之成都城隍祠李德裕所建杜牧有祭  
黃州城隍文則不獨吳越爲然又高齊慕容儼梁武陵王  
祀城隍皆書于史宋以來其祀徧天下或錫廟額或頒封  
爵至或遷就附會各指一人以爲神之姓名按張說祭荆  
州城隍文曰城隍是保眊庶是依則前代崇奉之意有在  
也洪武三年詔去封號祇稱某府州縣城隍之神

按禮運天子大蜡八伊耆始爲蜡蜡祭八神水庸居七水  
則隍庸則城也此正祭城隍之始

謂言長語城隍之名肇於古史之造字其用著於周易之  
繫爻城隍之有廟始亦以棲配食之靈祭城隍于配食之

密縣志卷七 建置志 增廟

三

廟猶明堂之祀帝云爾此儒者之正論也今多塑像寢殿  
立配又置兩廊之獄如東嶽之七十二司謬矣

李居易城隍廟碑記 城隍司土之神其稟命於帝與邑宰

等故享厥祀潔其牲不獨爲雉堞之  
崔巍隍池之深濶也立廟棲神人敬斯至神固不在漠漠  
焉矣余來承乏觀廟舍傾頽不敬莫大于是乃南材鳩工  
抽其椽之腐者補其瓦之解者鱗次其椽雷簷檼若寢若  
殿若東西廡之朽者圮者凡料若干工若干迄落成未嘗  
敢害民之力與財乃酌酒奠神召父老而論之曰神之爲  
靈昭昭也常在汝父老日用間特汝父老以神視廟以廟  
視神而不知以人事神故神與人不相接而人乘怠氣率  
多罹王法嬰三木囚囹圄耳汝父老其有率子弟孝父信  
義急公趨事者乎或若不孝不友不信不義不急公趨事  
者乎當其念之動汝自沉吟思維將進忽止將止復進者  
汝耶抑神之誘其衷也事行善善邑宰旌其善而表之或  
按其律而罪之爲答爲杖爲徒流爲絞辟極刑汝曰宰官  
耶吁是亦神之爲也神不神於神而神於宰官宰官不神  
於宰官而神於百姓之自善自惡自賞自罰嗚呼故立廟  
於率官而神於百姓之自善自惡自賞自罰嗚呼故立廟  
於率官而神於百姓之自善自惡自賞自罰嗚呼故立廟  
雖欲邀福於神神其享諸官之法在神其赦諸於是父老

咸曰向以廟事神而不知以心事神今聞論矣敢不載志於是命工刻之石

### 蟲王廟

在邑東雲崖宮北一里順治六年知縣李芝蘭重建

說嵩廣博物志曰伯益字墮數爲唐澤虞臣是爲百蟲將軍今鞏洛嵩山有百蟲將軍廟是也自漢有之水經註云晉元康時復立

中州雜俎密有蟲王廟卽百蟲將軍乃烈山澤之伯益也歲祀令必躬親祠祀最古

### 八蜡廟

在南門外雍正五年重建

按祭統蜡祀八神鄭康成謂先嗇一司嗇二農三郵表畷

密縣志卷七 建置志 壇廟

二十四

四猫虎五防六水庸七昆蟲八也

### 劉猛將軍祠

在城隍廟內雍正間奉文創建

按怡菴雜錄曰神之位號會典不載宋景定四年勅封故提舉江州太平興國宮淮安江東浙西制置使劉錡爲揚威侯天曹猛將之神秀水盛百二跋亦云是猛將實爲制置使無疑矣王士正居易錄以爲宋詩人劉漫塘翟灝通俗編引汪沆識小錄以爲劉錡弟劉銳饒陽志又以爲元指揮劉承忠皆無據

附驅蝗檄嘉慶八年六月奉 撫憲馬 札開照得螟蝗

爲患關係田禾地方官竭力撲捕盡心人事尤當虔誠祈



禱爲民請命昔禮有蜡祭八神之義詩有秉畀炎火乞靈  
田祖之文則知禳灾一法古人所重查我朝康熙癸未  
年間吳中傳有婦人趁柴船行數里欲去白云我乃驅蝗  
使者卽俗所稱金姑娘今年江南有蝗灾上天不忍小  
民乏食命吾渡江取烏雀以驅蝗蝻可徧諭鄉農書金姑  
娘娘位號供奉祭禱倏忽不見繼而常州一帶果有蝗蟲  
北來鄉民如言尊奉蝗卽驅除詳載志乘現據考城商邱  
等縣各稟報飛蝗入境延飛西南除已飭屬撲捕外並應  
齊心虔禱遍諭鄉農恭書金姑娘神位祈禳以期上格  
蒼穹仰邀神佑云云

按金姑娘事載褚人穫堅瓠集中

密縣志卷七

建置志

壇廟

五

### 火神廟

在南門外明末經亂燬順治七年知縣李芝蘭重建康熙  
二十四年知縣衷鯤化重修五十五年創建拜殿乾隆五  
十三年續修

按火神在天爲火星在人爲炎帝祝融密爲火正祝融之  
區故祀火尤虔宋熙寧間詔天下各建火德真君殿今天  
下塑像俱戟鬚虬髯以象燄烈而說嵩謂登封望朝嶺火  
神像獨塑一女未解其義

### 馬王廟

在馬廐內知縣李芝蘭建

按周官校人春祭馬祖鄭氏康成曰馬祖天駟也孝經說

日房爲龍馬星經房四星在天市西南角亦名天駟史記  
天官書房爲府天駟是馬秉星精之氣以生故祀天駟明  
史志祭馬祖并先牧馬社馬步之神

### 白龍王廟

在縣南三十里栢崖山下金大定元年建明永樂間奉旨  
重修以禱雨獲應也順治初知縣李芝蘭重建乾隆間知

### 縣陸世琛續修

知縣于兆麟白龍廟亭子記

余聞孔子曰鳥吾知其能飛獸吾知其能走至於龍吾不

知其乘風雲而上天也故江海淮瀆與夫巘數潭峪之間莫不有神以主之故曰水不在深有龍則靈邑城南三十里許栢崖山陰有白龍王廟廟前西南隅峙東西大小二阜巖下一潭水深而冽意者其神龍潛藏之所耶考邑乘廟興於金源大定元年明永樂間禱雨獲應奉文修葺至國朝順治七年邑令李君亦因酬貺重爲建置是神之有感

### 密縣志卷七 建置志

壇廟

三

必應載在祀典由來舊矣余守斯土十有六載雖不能如古之良吏惠此一方然勉承祖訓恪守官箴兢兢焉惟以婦寧室盈爲已事去年旱虐山川涿涿父老縷述神功因徒步祈禱果獲甘霖士民欣忭今歲夏秋之交彌月不雨憂心如熾于是復謁廟再請可異者方欲詣潭逆水忽縣吏得一卷乃遠年禱雨之文用虎首骨投龍潭雨立沛因思龍居陽德虎屬陰精龍起則雲從虎嘯則風生意者風雲之會陰陽以和神其導之機耶遂如法祈求其應如書時維七夕天衣彌合風雨蕭蕭川原優渥莫不舉首加額感神之明賜爰割俸首倡議於廟前西隅建斗室三楹並建兩亭於二阜之上紳士耆老皆踴躍從事亭成顏之曰犁雲鋤雨非以爲遊目賞心之所實欲後之官是土者考亭所由建頌明德以薦馨香永茲芬而宏保障則是舉也將與古之豐樂喜雨諸亭長垂不朽固余之深幸也夫

### 陸世琛白龍王廟碑記

縣治南三十里有白龍神之祠我朝勅封澤潤蒼生之福神仲春

祭以少牢載在祀典余承乏茲土每率牲往祭必流覽景物終日不能去廟之南正對栢崖山峭壁千尋如堆翠列屏崑壑之間春花煜燦嵐靄相屬望而奪目山之下有龍潭圍廣五六丈大石覆之露見處形如初月水色碧綠深不可測廟之後土山數疊蜿蜒起伏環抱左右廟垣嵌列金元以來碑碣甚多歷叙神之靈異出雲降雨無不應

夫地爲一邑勝區神之棲托於斯固其所耳而神爲一邑之福神宰牧躬親將享居民供奉香華豈非感應疇答事之所固然者哉甲寅歲秋夏之交彌月不雨民情皇皇余更側焉乃齊戒越宿將率縉紳父老往禱於神未及載途而大雨傾盆優渥霑足乃亦有秋于是監生馮錦等謁余而言曰旱魃爲虐賴賢父母憂民之憂甘霖澍瀉應念而來是賢父母之精虔與神明之靈爽真呼吸相通也但雨力猛驟神之正殿因而傾圮夫神以澤沛生民不暇自庇其室廡是宜亟爲修治以答神貺余聞之欣然首割清俸爲士民倡衆皆稱力解囊登封禹州居民之附近祠廟者亦踴躍樂輸共醵銀若干鳩工庀材重修正殿三楹拜殿三楹寢殿垣墻數十丈山亭客舍莫不斟酌補葺越八月竣事於戲修殘補墜守土者之責也而密人士乃樂善若此亦可見吾邑風俗之淳朴而民力之普存矣由是人歸其誠神錫之福雨暘時若歲登大有俾吾民熙熙然如遊春臺非守土者之大幸哉僧曉日請余爲文識其事因叙其顛末勒之貞珉以爲後人勸

### 五龍廟

一在天仙廟東南一在黑龍溝口

密縣志卷七 建置志 壇廟

三

文獻通考大觀四年詔天下五龍神皆封王爵青龍神廣

仁王赤龍神嘉澤王黃龍神孚應王白龍神義濟王黑龍

神靈澤王

### 土地祠

在縣署儀門東

### 蕭曹廟

在縣治大堂東偏知縣邱景雲建

邱景雲蕭曹廟碑記

蕭曹二公祠之建其爲吏者師乎曰二公嘗相漢矣非可以吏名也然則

其建於各州縣治也奈何曰蕭曹爲沛主吏椽而曹則沛獄椽也吏斃之曰此中固有發跡其人則奉以爲師爭自謹守以庶幾無過者已矣密邑僻在山陬風淳而曠簡九房書吏尙置主於房中祀焉乾隆癸巳二月前令張君倡率官吏建祠于治之東偏塑二公像合諸吏以祀之是年四月余蒞茲邑迨九月落成丐余文以記余聞二公之相

漢也民歌之日蕭何爲法較若畫一曹參代之守而無失載其清淨民以寧一然則清淨固二公之所以爲治者乎夫謹守管籥者爲吏而舞文弄法者非吏木訥長厚者爲吏而刻深務名者非吏觀二公所行與所擇吏之事其堪爲吏法可知也昔卓君之蒞茲土也余不知其倡吏者何若然史稱其吏民親愛不忍欺之余不敏治績未能如古而愛民之心則一竊願爲吏者慎持文法謹身寡過體余無欺之心以不欺於民馴至民輸誠以獻無情不得盡辭而友助親睦共享太平之福豈惟爾吏能法蕭曹而進身有階哉卽以幾于漢治近古也當無不可

### 獄神廟

在獄內

宋東京考今縣獄皆立臯陶廟以祀之蓋自漢已然范滂繫獄吏俾祭臯陶滂曰臯陶賢者知滂無罪將理之于帝如其無知祭之何益

### 軍牙旗纛

密縣志卷七 建置志 壇廟

天

在演武場致祭

按明史禮志旗謂牙旗黃帝出軍訣曰牙旗者將軍之精一軍之形候凡始豎牙必祭以剛曰纛謂旗頭也太白陰經曰大將中營建纛天子六軍故用六纛鼈牛尾爲之在左駢馬首唐宋及元皆有旗纛之祭

### 大王廟

在西關外康熙二十五年知縣衷鯤化建商人李一恂置祀丘百畝雍正九年重修

明徐渭金龍四大王傳王姓謝名緒宋會稽諸生晉太傅安之裔祖達父某有兄弟四人曰紀曰綱曰統王最少行第四居錢塘之安溪後隱金龍山白雲亭素有壯志知宋

鼎將移每慨憤激甲戌秋八月大雨天目山顏王會眾  
泣曰天目乃臨安之鎮茗水長流昔人稱爲龍飛鳳舞今  
顏宋其危乎未幾宋鼎移王晝夜泣語其徒曰吾將以死  
報國其徒泣曰先生之志果難挽矣歿而不泯得伸素志  
將何以爲驗曰異日黃河北流是予遂志之日也遂赴水  
死時水勢高丈餘洶洶若怒人咸異之尋得其尸葬金龍  
山麓立祠於旁元末我太祖與元將蠻子海牙戰於呂梁  
元師順流而下我師將潰太祖忽見空中有神金甲執鞭  
驚濤湧浪河忽北流遏敵舟震動顛撼旌旗內爍陰相  
協助元師大敗太祖與之是夕夢一儒生披幃語曰余有  
宋會稽謝緒也宋亡赴水死行間相助用抒宿憤太祖嘉

密縣志卷七 建置志

元

其忠義詔封爲金龍四大王金龍者因其所葬地也四大  
王者因其生時行列也自洪武迄今江淮河漢四瀆之間  
屢著靈異商舶糧艘舳艫千里風高浪惡往來無恙僉曰  
王賜敬奉弗懈各於河濱建廟以祀報賽無虛日九月十  
七日爲其誕辰祭賽尤盛

黃大王逸事神生於萬曆十一年癸卯十二月十四日雲  
霧蔽天香氣滿室空中有聲曰河神降矣歲餘幼兒携出  
外失足落井兄奔告家人往救神坐水面拍手嬉笑男婦  
觀者喜躍因共出之六歲隨母舅劉在舟觸舅怒叱之遂  
殺洛河深處鼻沿河號哭自辰至申撈救不獲忽見從上  
流半里水中出衣不濡濡七歲浴洛水浦得野鶴乘之飛

登緱山巔徘徊良久復駕鶴歸浴所北遊天壇山天旱泉竭農民告艱神指地開泉一曲至今利賴焉崇禎季年流寇劫掠將抵洛偃神令居民趨避河北樓子營全活數萬人十二歲隨舅船抵虞城張家樓時有糧艘二百餘阻沙不能動運官夜夢金甲神告曰明午有活河神姓黃者至此年貌若何神至如夢所見拜懇之神書黃紙焚水濱風起沙退船乃行

國朝順治二年金龍口決督河使者延請求策神至捲埽入河堤工告成七年沁河溢神以黃符一命焚河上波濤頓息八年杞縣大旱迎神至沐手焚禱甘霖大沛後因求者甚衆避居潁川常夜乘虎與鹿往來於家明末時與周藩

密縣志卷七 建置志 壇廟

三

善沐距偃二百餘里時周藩遣官召之人每見空中神騎一物如龍鱗狀有爪無角瞬息入宮其他異事不可枚舉朱大王逸事堅瓠集順治間金華朱公之錫爲總河正直慈惠聞歿後爲河神行舟水手時見公戎服紅燈侍從往來河上嘉慶七年衝工告成頗著靈異 勅封廟祀

如堂廟 一稱鄆郡廟

在縣東二十里

中州雜俎密縣東北有如堂廟古者縣大郡小一縣凡有四郡取鄉落羣聚之義後乃升郡領縣此廟當是密如堂郡故地堂者詩之有紀有堂也中祀冕者天人像必檜賢君或始封亦云夏禹密多山水漲害祀禹亦宜然祀啟母

爲配豈所以尊帝后哉按爾雅山如堂者密密之所以稱如堂者不僅取于有紀有堂也

開賜廟

在開賜山下祈晴有應知縣哀鯤化重建

洪山廟

在縣東五十里

中州雜俎相傳其神在世曰耕田留隙地不耕主人怪而視之內有鳥卵三四不忍傷故耳主人乃熟其卵雜菜中食之方問焉神告以故主人曰吾已破卵供汝之食矣神察之果然遂以刀剖腹而死後爲洪山大王亦稱洪山真人

密縣志卷七 建置志 壇廟

舊碑神生於宋舉進士以世亂隱居洪山活人濟世尤惜物力嘗驅牛耕田牛卧於地不事鞭笞圃牛旁牛便起行嘗奉詔醫宋太后療兵馬投方輒愈賜金幣不受詔封護國真牧靈應真人及卒葬洪山元始建廟祀之元末紅巾作亂神力禦之邑人以安牛馬疫癘禱之輒應因稱牛王逮至

國朝靈應有著有司奉 勅致祭

按二說互異舊碑較近理

泰山廟

一在城外東岡一在城西岡

東京考古錄遁甲開山圖云泰山在左亢父在右亢父知

生梁父主死博物志云泰山主召人之魂魄知天命之短  
長泰山有鬼論皆本此二說也其見於史者漢許俊謁泰  
山請命烏桓傳謂死者魂神歸泰山三國志管輅恐至泰  
山治鬼劉楨贈五官中郎將詩有云常恐游岱宗不得見  
故人然則泰山治鬼之說自東漢已然宜今天下之遍立  
東嶽行宮也

宋東京考大中祥符元年詔封東嶽爲天齊仁聖王四年  
尊稱帝號明齋正祀典詔稱東嶽泰山之神

譚言長語東嶽泰山之廟徧天下肇于宋中葉唐光天開  
元間封爵爲王宋大中祥符間加曰帝廟之爵之像之皆  
非當理以地祇而不入其像尊比三公而不帝其號兆之  
如四望而不屋其祠廢縣于其方嶽而不徧於天下搜神  
記據東方朔謂虹氏卽東嶽帝君一何悖也

### 碧霞祠

在王寨保光武陳東南龍泉上

按山東考古錄世人多以碧霞元君爲泰山之女後之文  
人知其說之不經而曲引黃帝遣玉女之事以附會之不  
知當日所以褻封固真以爲泰山之女也今考封號雖自  
宋時而泰山女之說西晉以前已有之張華博物志文王  
以太公望爲灌壇令期年風不鳴條文王夢見有一婦人  
甚麗當道而哭問其故婦人曰我東海泰山神女嫁爲西  
南婦欲東歸灌壇令當吾道太公有德吾不敢以暴風疾



兩過也文王夢覺明日召太公三日三夕果有疾風驟雨  
去者皆西來也此一說也干寶搜神記後漢胡毋班常至  
泰山側爲泰山府君所召令致書于女壻河伯云至河中  
流扣舟呼青衣當自有取書者果得達復爲河伯致書府  
君此二事也列異傳記蔡文事又以天帝爲泰山神之外  
孫自漢以來不明乎天神地祇人鬼之別一以人道祀之  
于是封嶽神爲王則立寢殿爲王夫人有夫人則有女而  
女有婿又有外甥矣唐宋之時但言靈應卽加封號不如  
今之君子必求其人以實之也

### 廣生祠

在縣治西北隅順治七年知縣李芝蘭重建

密縣志卷七 建寧志 壇廟

三五

按月令祀高禰周頌祓無子是人之生育必有神焉以主  
之古聖王亦重之而不廢後世廣生祠蓋本此又有百子  
殿取詩則百斯男義也中祀聖公聖母謂卽文王后妃雖  
名號不免鄙俗然尙近理

### 五瘟神廟

在廣生祠東康熙二十五年知縣衷魁化建

按集韻瘟疫也釋名疫役也言有鬼行疫也鄭康成曰疫  
厲鬼也禮記月令季春命國僉注此月之中日行歷昴有  
大陵積尸之氣氣佚則厲鬼隨而出行仲秋天子大雩注  
此月宿值昴畢亦得大陵積尸之氣季冬大雩旁注此  
月之中日歷虛危虛危有墳墓四司之氣爲厲鬼將隨

陰出害人也儼所以逐疫故古人重之漢唐以來此禮久廢則瘟疫流行必有神主之今立祠以奉亦爲民禦菑之意

### 財神廟

在廣生祠東康熙二十五年知縣于兆麟建

搜神記增福神爲李詭祖

塵尾餘談李天培康熙中官國子監學正永城李湘北相國以鄉誼兼同宗相交甚厚天培引年歸相國猶音問不絕歷十餘年忽夢相國至謂之曰若知之乎吾卽新鄭增福相公也天培以夢語無憑漫不之省次夜復夢如前旋知相國指館舍始大異之先是西門內有增福相公祠蓋祀晉人李詭祖也天培遂釀貲修之顏其額曰增福李相

密縣志卷七

建置志壇廟

三

### 公祠

### 藥王廟

在城東南十五里創建莫考嘉慶元年五次重修

按明史禮志洪武元年以太牢祀三皇二年命以勾芒祝融風后力牧左右配俞跗相君熾貨季少師雷公鬼臾區伯高岐伯少俞高陽十大名醫從祀儀同釋奠四年帝曰三皇繼天立極開萬世教化之原沿于藥師可乎命天下郡縣毋得褻祀然自元成宗時立三皇廟于府州縣春秋通祀以醫藥主之至今皆稱藥王廟

### 黃帝廟

在大隗鎮南乾隆四十九年創建

### 天仙廟

在縣東五里明世宗時創建

國朝五次重修世傳黃帝三女學道十七年一夕同逝合葬于此塚上生白松一株三幹高八九丈康熙間松爲烈風所吹根株盡拔乾隆間知縣秦勳爲亭貯之

### 七聖廟

在古窰溝卽共迷襄野之七聖也

中州雜俎在大隗鎮南三里許古窰溝中數椽已圯嘗往尋故址惟阪礫鳴春流耳然自新鄭軒轅邱至此四十餘里卽可南走襄城尙隔五六舍豈可稱襄城之野縱真迷

建道志  
靈縣志卷七 壇廟

三五

乎未必迷此因其古而古之學士之常也

### 元帝廟

在縣治西北順治七年知縣李芝蘭重建

按元帝卽真武也禮記月令孟冬其神元冥彭彥夫謂水北方元氣而冥昧故取爲神之名主冬而位北曲禮曰前朱雀而後元武元武乃北方七宿之象而傳記所謂龜蛇也道家者流謂神有名字里居真武經又有披髮跣足世遂塗黑衣翩翩披髮按劍而坐腳踏龜蛇一何悖耶續文獻通考異林紺珠閒錄皆嘗辨之

又按明史志北極佑聖真君者乃元武七宿後人以爲真君作龜蛇於其下宋真宗避諱改爲真武圖志云真武爲

淨樂王太子修煉武當山功成飛昇奉上帝命鎮北方披髮跣足建皂纛元旗此道家附會之說太祖平定天下陰佑爲多太宗靖難又以神有顯相功皆崇祀憲宗嘗範金爲像後止遵洪武間例每年三月三日九月九日用素羞致祭

### 三官廟

在城內東北隅順治七年知縣李芝蘭創建乾隆間三次重修

宋東京考宋學士集漢熹平間漢中有張修爲太平道張角張魯爲五斗米道其法畧同而魯爲尤甚蓋自其祖陵

卽今俗稱張天師

父衡造符書于蜀之鶴鳴山制鬼卒祭酒等號

密縣志卷七 建置志 壇廟

三

分領部衆有疾者令其自首書氏名及服罪之意作三通一上之天着山上一埋之地一沉之水謂之天地水府三官而三官之名實昉于此

七修類藁世有三元三官天地水府之說此理也蓋天氣主生木爲生候地氣主成金爲成候水氣主化水爲化候其用司於三界而以三時首月候之故曰三元元大也兩間之元孰大于此三元正當三臨官故又曰三官

### 明靈王廟

卽皮場公

在縣治東始建未詳嘉慶十五年重修

燕翼貽謀錄宋時試禮部者皆禱於皮場廟中皮場卽皮剝所也相傳皮場土地主瘍疾之不治者徽宗建中靖國

元年詔封爲靈貺侯其後累封明靈昭惠王

舊碑皮場公曰裴商晉明帝時商人治兒最效又稱明英廟患瘡疾有神陰治之愈知係東漢光武將邳彤者勅封爲明靈王後有瘡疾者禱之輒應

涉縣志西湖遊覽志俱云皮場公姓張名森湯陰人以驅殺皮場蠱毒民德之爲立祀自漢歷宋累封王爵額曰惠應河南北所在多有之

按以上數說未知孰是要之其神主瘡疾則由來舊矣至或以爲鄭子皮或以爲明太祖處治賍吏剝皮場尤妄誕不經

二郎廟

密縣志卷七 建置志 壇廟

在岳村保壽聖寺南

文獻通考政和七年詔修神保觀俗所謂二郎神者

宋東京考卽蜀中灌口二郎神也成都古今記秦昭王以李冰代蜀郡守鑿離堆避沫水之害穿二江成都中于是沃野千里號爲陸海民思其惠立廟於灌口山正統十三年四月沐旱祈雨有應

宋稗類抄蜀中灌口二郎廟神云是李冰第二子初封王號至徽宗改爲真君張魏公用兵禱於其廟夜夢神語之曰我向封王有血食之奉今祭我以素食故無威福之靈今須復封爲王當有威靈相助魏公遂乞復其封每歲入戶祭賽殺羊萬頭廟前積骨如山

按舊碑謂神姓趙名是隋時人爲金華令嘗斬蛟于溱流中而水患息故廟祀之未知何據

### 聖母廟

一在邑正北聖水峪上井中之水一日三潮潮來則水溢井平潮退則水消井半北流入滎陽一在岳村保椿板河水自王寨保南下有石澗甚深水盡注之逢歲豐稔則溢而上出

按聖母卽天妃也神林姓世居莆之湄洲嶼五代時都巡檢願之第六女能乘席渡海雲游島嶼人呼爲龍女生于晉天福八年以宋雍熙四年二月二十九日昇化湄洲父老相率祠之名其墩曰聖墩厥後嘗衣朱衣飛翻海上宣

密縣志卷七

建置志  
壇廟

三

和癸卯給事中路允迪使高麗中流遇風人舟俱溺獨路舟神降于檣無恙使還奏于朝特賜廟號曰順濟紹興己卯海寇入江神駕風一掃而逝加封昭應崇福乾道淳熙景定間累加封號明成祖封護國庇民妙靈昭應宏仁普濟天妃莊烈帝封天仙聖母

### 介子推廟

在王寨保高嶺上地非綿上而祠在焉其由來不可考矣

### 卓君廟

一在大隗鎮東乃漢卓公葬衣冠處康熙年知縣衷鯤化袁良怡重修一在縣治東北嘉靖間知縣鄭濂以古祠去治遠重建嘉慶七年五次重修恩貢生張兆京捐香火地

三十畝即在廟東偏因住持不善經理由學博收租者五十餘年嘉慶間仍歸入廟中

翁深重修卓君廟碑記密城內東北隅有卓君廟蓋漢太傅卓子康舊祠也子康曾為密令

稱循吏密人思之思之故祠之宜也歲久罹兵燹廟燬當平李君來令密攷邑乘修廢典不旁募士民獨出其俸餘鼎新之君子曰李君可謂通經博古事鬼不淫者矣禮士大夫之饗祀者有二里居以高節盛德惠澤柔梓者則祀之於其鄉服官能使教化大行著異政捍災患者則祀之於其蒞仕之郡縣外是非諂則誣狄懷英黜淫祀以千計特存四家江南避之今漢史載子康新莽時託病去官者十五六年建武初徵為太傅封褒德侯節可謂高矣鄉人誤認其馬輒不較雖學近黃老然亦人所難者密人訟其長吏不繩以大法而譬之人情其人慚悔而去教化大行蝗起河南諸郡國獨不入密境豈非所謂著異政捍災患者耶夫如是又何忒於饗祀也耶余又嘗讀漢史自宣帝嚴二千石之選綜核名實得人為盛然以武健從事往往失之過察卓以長者之意矯之不特惠密亦以救漢治之衰也如此則凡為守令者皆當於此乎取則焉又何疑於李君之追崇之也或曰何不書太傅書褒德侯而必書君

密縣志卷七 壇廟

五虎廟

曰太傅天子之上公褒德者朝廷之大爵非密人之所敢私也且其為密時無此官無此封也密人亦祀密之君而已故曰宜也嗟乎卓君往矣自漢迄今幾兩千年密之人猶君之密之令猶追崇之密可謂不負卓君哉然皆自卓君不負密始也後之君於密者其願受武大隗鎮卓太傅亦有感於斯舉也乎丁酉十月書顧受武大隗鎮卓太傅祠詩拱木環遺寂空山走部民循良思舊德執德表淳臣几杖中興禮丹青御座親至今傳俎豆長接大隗春

在南宋保老寨東北萬曆三十三年張加兆建乾隆二十一年張玉振重修三國時關公張飛馬超黃忠趙雲破曹操於此崇禎間流寇問知五虎姓名遂不入里為害實賴神之威靈保障也

索長官廟

一在縣西北隅宋景佑二年建有梁佐廟碑一在菜園河

上名斷虎祠相傳虎銜牒處

明潘恩詩

絕代循良跡於今尚見之人間懷舊德山側瀛新祠白石懸蘿帶清風淨竹枝幽禽時一語助

我夜來思

崔府君廟

在浮山東麓

宋東京考唐崔珏字子玉定平人爲滏陽令時縣有虎害一孝子爲虎所食珏乃以牒攝虎虎至服罪一縣以爲神卒葬滏陽

案崔府君祇應廟食滏陽今所在冬祀之未解其故

寶建德祠

在縣北龍泉寺一里地名寶牛口夏雖借國頗得其民故

寶縣志卷七 建置志 壇廟

不以唐故廢之

侯公生祠

在縣東洪山廟祀知縣侯一位今廢

蕭公生祠

在縣東洪山廟祀知縣蕭文元今廢

劉公生祠

在縣東觀音堂祀署縣劉善繼明末兵燬士民戴德不忘

順治六年重建

王公生祠

一在縣法海寺西一在縣東大隗鎮祀知縣王崇雅今俱

廢



王公生祠

一在縣治西一在縣西下莊一在魏村鎮祀知縣王時英  
今俱廢

劉公生祠

一在縣治西一在縣治西下莊祀知縣劉肅清今俱廢

苗公生祠

在儒學櫺星門西祀知縣苗之庭今廢

李公生祠

在西門外關帝廟右祀知縣李芝蘭順治九年創建嘉慶  
十九年知縣景綸重修一在白龍王廟有像

于公生祠

密縣志卷七 建置志 寺觀

在城隍廟祀知縣于兆麟今廢

寺觀

法海寺

在縣治西宋咸平四年建明末燬順治五年知縣李芝蘭  
修乾隆十七年知縣秦勳嘉慶元年邑人續修殿前有石  
塔凡七級石雜青白古松偃蓋亦一邑之勝觀也嘉慶十  
四年知縣楊泰起于塔後建字藏一座

宋張哲法海寺石塔記 是塔功訖琢石待筆憑子故人間

招迷導愚佛自有書褒空願無僧自有徒斯塔也物微不  
足增輝斯文豈可輕不足借名但寫其因錄其形載其歲  
月雕其姓字而騰之於無窮之齒惟密邑法海院上首帝  
天二年二月五日夜有籍人安南郡悅知訓者忽寐中自  
算造石塔既覺遂奔巴財泊旁誘郡好共果厥勢凡繩準  
高下規模洪促削山以探索良珉發地以闢即奇勢皆自

知訓襟臆出所購匠氏但備磨刻而已二年四月二日營始八月十日先以舍利瘞於地室今歲二月九日休作整蓮經七以圍其軀實金像十四以實其廬幾扉乍豁遷窟匿雪短髮危籠星繩纏空十尋峻峙迫若躍地九疊岷嶮遠疑懸霄其或人悟天惺清颯韻鈴陰漫地賦狂苔駁砌射翠飛寒太少之顏匝步攢觀泝洛之間淡宿凝煙塔與同堅消水長泉塔與爭延不以土不以木惟石也剛介固風雨朽之不速不為宮不為壇惟塔也高眾使今古仰而不殫噫人之來者闕塔遊記知功辨志則如堂之地 宋秦承新佳致與他邑異時咸平四年七月十五日記 觀贈法海寺平閣黎詩寒食山川百鳥喧春風花雨暗川原因循移病依香火寫得彌陀七萬言又留別平閣黎詩綠盡山城且不歸此生相見了無期保持異日蓮花上重說如今結社時 超化寺

在王村保隋開皇元年建地有竹木魚稻頗具江南風致為宋元游賞名區天啟二年掘地得唐碑一今嵌寺壁上西崗舊有塔二今存一世傳在唐阿育王所造八萬四千

密縣志卷七 建置志 寺觀

三

### 塔之內

#### 明袁宏道遊超化寺記

萬曆己酉丙辰日出密城觀白松於瀋洧源處溪流浩淼所至皆泉而金華泉最大月牙次之大竹蔽畝者十餘家竹之內為池珠泉噴出蘆花如雪浪深可半里溪上皆稻田寺在昔為勝槩今已廢背溪面山左有古堦石門上題名甚多王晉卿諸人皆有題字一碑沒土中見其首知為北朝製也掘之字尚可識齊河清二年置白玉像碑陰有維那曇鸞名是嘗學於流支者題程伯子有詩黃魯直有題額皆可搨溪之上多石壁亦題題名者渡溪而西僧塔甚多塔碑僅存皆唐宋間人一方每方皆勒古名人詩鏤其句之景於石堆疊起伏其生公可中亭一面尚完好今之畫苑不如也東北行里許至一潭縹碧可愛上有危壁數鴛鴦浮金王庭筠超化塔其下見人驚起題其壁曰二郎洞乃還 詩蒼山亭亭如覆蓋佛塔東西屹相嚮林頭初日射重簷黃金丹砂躡生光中華此塔第十五圖說所傳應不妄智慧熏成舍利露夜半奇芒時一放想見當時阿育王魔叱神丁鞭鬼匠雲車瘴海晚炎沙底黃腸三萬丈石擬方面幾席段鐵瑠瘦中要鼓樣功夫巧密業長久位崇雄尊氣高張地皮浮水膚寸許旱溢與之俱下上崧山歸山

夏秋兩雨潦橫從歲相盪帖然並寺向東去終劫不敢生  
波浪天龍圍護夜叉守山寺平安塔無恙塔前樹秀老不  
死樹下水流多益旺再拜初又遊超化寺詩隔竹惟聞鐘  
磬音瀟頭修  
嘗一勺甘洗我三千煩惱障綠洽陰陰山迎朝日花枝靜寺裏清溪塔影深吾道蕭條  
三已仕此行衰病獨悲吟簡書催得念念去暗記風塵擬  
尋元好問重陽後遊超化寺詩西風裊裊度僧窻盡得諸  
山草木香却恨汴梁三日  
醉不來此阮漢聞超化寺詩曲洧疏源處羣山擁化城繞  
地過重陽門環秀水夾岍茂香秔地借  
祇園勝淵留定水清陳匡藏紺殿雲蓋覆丹楹月滿標慈  
相岩虛應梵聲綵旛筵上動寶座空中盈出鉢龍非象依  
床虎不驚講時花欲墜齋日飯彌精花自拈來笑盧因折  
次行揚雄徵牛偏袁益悟三生瞥見嗟噫獄疑聞縹緲笙  
法王遺了義深願覺迷情

### 龍泉寺

在縣北二十里景泰四年建寺前有泉四時不竭

### 龍巖寺

密縣志卷七 建置志 寺觀

在縣西北龍巖寺下宋宣和七年建

### 浮圖寺

在縣東浮山保北齊天保三年建

### 光林寺

在王寨保北魏時建興廢不一乾隆十七年知縣秦勳續

修

### 宋李淑光林寺碑

洛城與維距建春七舍得鄆密之邑孫  
密趣坎畧義台涉王若佛星渠渠堵破

巽巽卽拓拔魏光林舊寺考釋篇地志合和居所傳永熙  
中林端見光鋪者獲舍利之感乃瘞諸蠹楊鴛利榜異稱  
伐事著琅刻周萬歲通天元年邑子王元簡構浮屠五重  
於其東唐開元十一年里人邵思慶又起浮屠七重於其  
西金田寶坊道果日隆揭榮漆踐崧嶽轅烟雲鬱紆占神靈  
之靈比黃寇擾毀邱夷石轉巋如雙塔輝景弗倫運革世  
平地靈俗衍國法欽護民哀向信方祓攸止支壤者競先  
施饗相因殖福者益至今主僧惠照始以堅操勸願往東

都香積伽藍著莫染大衣天禧丁巳厭幣煩而遂書曠黑  
白推願迎舖於斯雍萊泄豬完廢度新孳孳有為衰贖錢  
而胖飭片作迦衣慈氏泪應真十六像正殿博敞以嚴梵  
儀中堂釋陳以策慧學香華六時毳屨重趺朋來唱經雲  
海嗣音衆舍五十區繚邱翼廡增屏耽耽嬰賜汲甘綴孟  
潔豐俠垣樹藥竹栝斷翠游方躡嶠有憇有寓經啟考城  
二十七日繫照師是力逮慶厯癸未獻收尹府接尙書旨  
條請留重奉公曹檄縣覈實如令茲地巖澤環紫貫叢蕭  
森南直馳汲導洧渙兮北派五泉金水貫都左則太山梅  
山鄭流匯梁右則承雲石樓二室峻天固將眺聽高明徑  
行宴適緣境造寂善利無邊鄭洛接吟譯僧義崇嘗爲予  
道顛未塵鞅未稅俾圖寄想吮豪授簡往塚山壁蓋佛事  
以莊嚴回向雖志於遺言而義欲傳信 秦勣重修光林寺  
故不拒其請間一年闕四月壬寅書

秦勣重修光林寺

聖壽寺

四

如佛之慈悲則可以無殘殺矣世人利慾熏心憧擾萬端  
種種惡孽從此而生苟能爲佛之清淨寂滅則可以無利  
慾矣却利慾於已而以慈悲遇物此其意亦何惡於天下  
哉故以佛法視聖道則非以佛法訓未俗則善苟人人以  
佛法自修慈悲而無慘刻清淨而無利慾天下同風豈非  
華胥之世乎密邑光林寺創始於拓拔魏歷唐宋元明迄  
今幾二千年修廢者屢矣康熙壬戌前令李君新之歷七  
十載又將圯廢紳士議重修費無所出以資寺樹與訟兩  
年未結余履任爲平反之擇端謹者董其事逾年而告成  
功焉因思余以涼德滋茲土愧無以化吾民唯願遊寶刹  
者仰瞻龍象生皈依心以慧劍斷利慾以勤修生覺悟凌  
競無聞澆漓胥化庶幾惟禮樂刑政之遵享太平無事之  
福即謂通于申道儒道也可

在岳村保明洪武十五年建

聖壽寺

李曰慶壽聖寺碑記

縣治東舊有寺曰壽聖背山面河嵩  
高峙其西栢崖具茨拱其南每天清

氣爽散步山門外則見羣峯盤鬱環列如屏而溱流之經  
邱尋壑朝宗而東者復爲之襟帶焉余爲童子時嘗從鄉  
先生遊其地一雨大雄殿因目余曰是爲佛記稱周昭王  
二十四年天竺王如摩那氏夢天降金人生太子至穆王  
三年明星現而道成爲世尊西域稱聖人焉其爲教也大  
率以空爲色以滅爲明其書曰佛覺也覺一切種智復能  
覺有情如睡夢覺也與吾儒盡性至命之道不同然能絕  
嗜欲公貨財布衣蔬食隨地而安可謂無所動於中者矣  
故士之蕭散和介而不欲違其本心者往往匿迹其中或  
亦有可取歟余唯唯迄今思之吾儒之教何獨不然夫復  
禮必竟已養心止寡欲未有役於物而猶可與進於道者  
彼憧憧逐逐陽以慕天道義而陰以遂其貪鄙者又何爲  
哉所異者焚頂燒指斷臂纏身禍福之說動於中以至於  
本加厲耳漢承平間佛始流入中國其間聖人迭興而禪  
林之建造例不爲禁豈徒孤獨廢疾者有養哉世固有理  
所不能喻注所不能防偶觸於鷲嶺鷄園之說不覺廢然  
返者略其短而用其長亦未必非覺世牖民之一助也是  
寺之興廢屢矣甲寅春因山門菩薩閣之舊增新之夏五  
月兼修大雄殿工竣將勒諸石猶憶少所聞於鄉先生者  
言雖創而義亦有當也因撮其要書之以爲記

### 聖壽寺

密縣志卷七 建置志 寺觀

聖

在岐固保宋仁宗三年信公和尚奉勅建

### 顯應寺

在縣東二十五里宋咸平四年建

### 鐵佛寺

在曲梁保唐天寶七年建

### 吉慶寺

在南宋保金正慶三年建

### 南臺寺

在袁家集西南唐天寶六年建面陘背消中古檜高百餘  
尺寺前槐大二十圍相傳唐時物也

### 華嚴寺

在北召村隋開皇二年建

月華寺

在大隄鎮宋崇寧四年建後為舖移鎮西里許今圮

興隆寺

在縣東南四十里許襟溪帶洧眺隗瞻嵩地特幽勝

南泉寺

在大鴻山下聳峙于層巒疊嶂間為東南勝境僧元文增

修

東報恩寺

在響潭寺宋崇寧二年建

西報恩寺

密縣志卷七 建置志 寺觀

吳

在縣西六里

明閻周民報恩寺碑記

邑之西六里有寺曰報恩創自東漢故老相傳以為光武廼於莽兵投匿常氏家有行十者貌肖光武莽兵大索常氏以十應光武得免斯時也呼吸之間社稷以之君為重子為輕仁義有不吝並伸者矣其後莽就誅光武登極為之置塚而奉之此寺之所由名也代遠跡湮寺存草屢數間僅足為衲子避風雨耳有祖刹者易草而瓦易卑隘而崇廣焉水陸有殿像佛有殿浸浸各利矣邇者又集鄉之宗是教者為祖師殿天王與律之居民亦肯堂肯構之子也不可嘉乎周民又常與其子松溆修業其間既而同舉鄉閭則斯地又吾發跡之所也朝夕燈火不待不追念其人之勞記之請可以墨而拓乎况昔賢大悲之作浮屠之贈亦嘗應其求而且增益其不能為之唱酬留衣畧其名而諒其行也予於利也將毋兩

朝陽寺

在盧村保唐天寶六年建明末兵燬知縣李芝蘭移建於

本保東店

上香峪寺

在縣西北四十里唐天寶七年建

中香峪寺

在方山保宋開寶元年建山勢崔巍深官旭日朝昇山色  
晃耀翠碧丹砂燦爛如錦入山口行五六里乃至寺虎跑  
泉在其右潺湲東流亦勝地也覽勝者多游觀焉

卡香峪寺

在高村保宋開寶三年建今圯

助泉寺

在北召村西元至正十五年建

文峯塔

寧縣志卷七 寺觀

四

有三一在青屏山上知縣李鵬鳴創建今圯一在城東南  
嶺上元至正元年建明末燬康熙二十九年知縣衷鯤化  
重建乾隆三十年知縣馬渭重修一在城西嶺上嘉慶三  
年知縣楊泰起創建

知縣衷鯤化文峯塔碑記

青烏氏率以建創之吉凶相恐

數者崇術信理者黜數要之見理不真為數不精各相齟齬其是非亦難定耳密治東南隅舊有浮屠數級明末燬於兵密人士往往以不利科第為憾夫儒者以毀淫祠攻異端為事至於科第而又求庇于浮屠是何其言行之刺謬耶密自兩進士外無搬搬神名當世者其果文峯故耶吾聞舜舉童土尹育空桑是未必以文峯而兆君相登巖廊也今其人曰異地文明之象于理是矣而數未必然又曰卦氣之相尅於數得矣而理又何必通然世之通理數者幾人哉其或因塔之建如磁之引鐵珀之拾芥氣類感而理數符亦未可知又何必不信其理不信其數而必為耶于是仍舊址計工而築之高二丈五尺從密人請也要之擬幾科顯當世豈盡文峯之類也乎

修德觀

在大隗鎮三里崇寧三年建廣成子所居黃帝問道處門

臨洺水古檜雙聳如蓋似宋元時物也

金劉文饒修德觀問道碑記

南華真經云黃帝聞廣成子

在崆峒之上故往見之又云黃帝將見大隗於具茨之山至襄城之野七聖皆迷遇牧馬童子問途焉按圖考之密縣東南有大隗山大隗之西有具茨山又南有襄城遇牧馬童子其在斯乎大隗東北有廣成廣成子隱居之地大隗亦謂之崆峒見廣成其在斯乎襄城西北有古廢基俗謂之鵬崖觀蓋遇牧馬童子之處也廣成西有修德觀蓋廣成子之處也而俗言唐虞終鵬崖觀於此者其言無據鄭古有熊之國黃帝所都其見廣成子宜其往返不一莊氏之云隨其所遇而言之或謂黃帝都涿鹿西至崆峒而史遷謂其遷徙往來無常處謂此也然世之言莊子者皆曰寓言觀此豈虛言哉黃帝當神農氏衰諸侯相侵暴虐百姓黃帝修德治兵教熊羆貔貅貙虎與炎帝戰於阪泉與蚩尤戰於涿鹿不順者從而征之拔山通道未嘗寧居舉風后力牧以為相勞勤心力耳目節用水火財物然後萬國和雖云景雲之應土德

密縣志卷七 寺觀

哭

之瑞其分於道亦已遠矣是以廣成子於其間欲養民人以遂羣生乃告曰自而治天下雲氣不待族而雨草木不待黃而落日月之光益以荒矣剪髮者奚足以語至道及其捐天下築特室席白茅閒居三月問治身可以長久然後歷然稱善告以無勞女形無搖女精可以長生我守其一以處其和故我修身千二百歲吾形未嘗衰衆人皆死而我獨存黃帝於是且戰且學仙迎日推策三百八十年接萬靈於明廷采首山之銅鑄鼎荆山鼎成而龍下迎黃帝跨之仙登於天從之昇者七十餘人嗚呼微廣成之問其始矣乎修德觀在崇崖絕壁之上前瞰大隗東望廣成黃帝之跡皎然在目廣成之言歷歷在耳苟即其至道而有得者修之既修之又修之而不已德至同乎初則廣成之獨存黃帝之仙登將神遇而形接然後知莊氏之言豈皆寓言而為誇誕者邪觀有道衆七人棲形崖谷樂志林泉修養之外奉事上直力勤意篤玉皇三境殿宇肅清念問道之跡不彰人徒以為鵬崖之巖移而置之殊不知事跡不同觀亦異焉由是慨然發憤其堂立黃帝問道之像繪遇牧馬童子與昇仙之像於其室使人知其所由像成求余為記予既為之辨又告以黃帝見廣成子問答之意與黃帝所以登仙之道使知莊氏之言不虛人皆可以長生

云爾



卧龍臺觀

臺與觀皆失考

天寶觀

在縣治西元泰定三年建

祐神觀

在天仙保金正慶四年建今圯

純陽觀

在縣東四十里元至正元年建明成化四年重修

旌陽觀

在岳村保

宋東京考真君晉人也為旌陽令夙著靈異之跡政和二

密縣志卷七

建置志  
寺觀

吳

年賜號神功妙濟真君以所遺詩一百二十首書之竹簡

載之簡中令人採取以決休咎名曰聖籤

朝野簽載西晉末有旌陽縣令許遜者得道於豫章西山

江中有蛟為患旌陽投劍斬之後不知所在

續文獻通考許真君名遜字敬之南昌人生而穎悟從吳

猛得神方秘法以修煉為事晉太康初為蜀旌陽令尋棄

官東歸過譙姆傳以道術遂斬蛇誅蛟悉除民害慮豫章

為浮州蛟螭所穴乃于牙城南并縛鐵為柱下施八索勾

鎖地脉由是水妖屏息周遊江湖諸郡殄滅毒害乃歸舊

隱修至道寧康二年一百三十六歲忽一日羽蓋龍車自

天而下遜登車與其弟子家屬四十二人同時昇天鶴犬

亦隨焉

雲巖宮

在縣東四十里下有石洞

唐獨孤及雲巖宮風后八陣圖記物不終靜必受之以動

則龍戰於野大朴已散聖盜並起故戎馬生乃有力者八荒爭截九有大者天柱折地維絕小者作惡廬山負阻申冀上帝憑怒下民是恤乃眷武德黃帝受之始順發氣以作兵法文昌而命將於是乎征不服討不庭其誰佐命曰元老風后蓋戎行之不修則師律用爽陰謀之不修則凶器何特故天命聖者以廣戰術俾懸衡於未然察變於倚數握機制勝作為陣圖夫八宮之位正則數不借神不忒故入其陣所以定位也衡抗於外軸布於內風雲附其四維所以備物也虎張翼以進蛇向敵而蟠飛龍翔鳥上下其勢以致用也至若疑兵以困餘地游軍以按其後列關具將發然後合戰池張則二廣迭舉騎角則四奇皆出必使陷堅陣拔深壘若星馳天旋雷動山破魏之鶴列鄭之魚麗武成之熊羆昆陽之虎豹出匪以律咸與於是既而圖成樽俎帝用經畧北清涿鹿南平蚩尤讖黎於阪泉省

寧縣志卷七 建置志 寺觀

三

方於崆峒底定萬國旁羅七曜昇成龍至去而上仙於是遺風冥冥時亾而圖存焉於戲聖跡長往神機不昧酌其流者猶足以決勝三軍禦侮萬里故項籍得之以霸西楚黥布得之奄有九江漢孝武得之攘服甌越東牧犍狝西招大夏然則聖圖幽贊未始有涯天寶中客有為韜鈴者得其遺制於黃帝書之外篇裂素而圖之勝敗之狀在我數掌天地之心見於毫末議欲獻諸策府用廣武事會天子以不戰為輔無為為寶則是圖也興於多難廢於昇平淫淪不書盛德共沒旌諸圖側以為三皇之故事六藝之餘伎云

玉溪宮

在縣西二十五里金正慶三年建

所真宮

在方山保唐天寶五年建

顯應宮

在縣治後

按明史禮志崇恩真君姓薩氏諱守堅西蜀人宋徽宗時嘗從虛靖天師張繼先及林靈素學法隆恩真君則玉樞火府天將王靈官也嘗從薩真君傳授符法永樂中杭州道士周思得以靈官之法顯於京師附體降神禱之有應乃於禁城之西建天將廟及祖師殿宣德中改爲火德觀封薩真人爲崇恩真君王靈官爲隆恩真君

觀音閣

在縣治後明正統七年主簿張久敬建順治五年知縣李芝蘭重修一在超化村

錢九同觀音閣碑記予村舊稱仁里諸父老嘗備述其盛

國朝定鼎後戶口殷繁室廬櫛比村之東數武有觀音閣翠瓦朱樞掩映雲樹間閣外溪流逶迤架橋而渡坦衢如矢

寶縣志卷七 建置志 寺觀

至

遠可馳馬綠篠青蓮之茂映帶左右故其時流寓諸君子如楊雪樵翁古古趙惕翁馬某史每登閣臨眺作爲詩歌殘碑敗楮至今猶有存者康熙四十五年波臣爲患綠圃藍畦概成沙內閣亦傾仄不可支鄉前輩移建于村之西北隅瞿曇寄棲已五十餘年比來水道南還一線月陂仍抱村而走且園圃日增雜以楊柳數千株芙蓉數萬本沃沃菁菁之中棟宇隱見前人所謂繞門環秀水夾岸茂香旖旎者今復見之有志者久欲建閣以還其舊適邑侯馬鐵厓夫子携善青烏術者遊歷至此徘徊久之曰嘻此地別有洞天哉第街首畧無關鎖必豎一閣使風迴氣聚將文運昌明必大有可觀者予謀之族兄太民兄慨然曰此余夙願也即日會我同族以及二三戚好各量力捐輸鳩工庀材于乙酉晚春經始至新秋而告竣仍肖大士神像於中增火星眼光二神於左右棖楠崢嶸金碧煜燦可謂有志竟成矣因思七君子克自琢磨撥巍科拖金紫原屬分內於閣乎何與形家者言詎足盡信耶惟是花晨月夕一登臨攬碧上之烟雲挹畦邊之風景有令人傾洒襟懷曠然自得者斯舉又烏容已耶况安神靈而肅觀瞻俾皈依大衆凜凜乎隱若大士之伺其惡而佑其善者八垢淨盡一行同圓則牟尼象教不可補禮樂刑政之所不及哉是爲記

白衣堂

在縣北石婆口道通登密榮汜山徑紆仄多虎患順治五年知縣李芝蘭創建招僧守之一在社學東一在南門外  
一在縣治北

茶菴

在縣東二十五里石嶺上東西通衢村墟遠隔夏行苦熱康熙間知縣于兆麟於菴南建茶亭行人便焉